

# **Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

## **De sacramento eucharistiae. Et audienda missa**

**Gansfort, Johannes**

**[S.l.], [ca. 1527]**

Sapientia

[urn:nbn:de:bsz:31-291047](https://nbn-resolving.org/urn:nbn:de:bsz:31-291047)

DE INCARNATIONE VERBI

filium tuum a mantibus. Neq; solis amantibus eū data mater es sicut nec solius illius mater es. Venit ille non solos homines, uerum homines & iumenta saluare, qui panis non solum, sed & fenum factus est. O tu genimen mihi genitum. O fenum productum nobis in montibus & altissimo monte super omnes colles Cherubin & Seraphin & monte domus dei eleuato super omnes colles, pasce iumenta insipientia. O pabulum brutis, annona saginatis, panis hominibus, edulium debilibus, pulmentarium delicatis, ferculum honoratis, conuiuium amicis, epulum celebribus, sacrificium sacerdotib<sup>9</sup>, omnib<sup>9</sup> omnia factus, qui pro nobis e celo datus es panis uiuus uerbum caro factus, & fenum & granum frumenti & esca pullis coruorum inuocantibus eum. Tu pasce, refice, gustandum te prebe, facia, inebria, adauge, robor, sagina, impingua, delecta, confirma, cōsolida, & interim gradatim ad amorem illum perduc, quo nō iam fenum & pabulum, sed panis angelorum mihi fias, quando transiens ministrans nouum pasca tecum impleam in regno tuo.

A M E N.

F I N I S

¶ Sequuntur quædam a Calcographo annexa.

Hieronimus.

¶ Hoc solum in præsentī seculo habem<sup>9</sup> bonum, si uescamur carne eius & cruorem potemus, non solum in misterio, sed etiam in scripturarum lectiōe, uerus cibus & potus, qui ex uerbo dei est, scientia scripturarum est.

Idem.

¶ Qui ista præsentia amant, persequuntur sanctam ecclesiam, id est, illos qui celestia diligunt.

Sapientia.

¶ Bibe de tuis fontibus & de tuis puteis, & sit tibi fons proprius. Eucleat eandem sententiam

Origenes Home. xij. super Genesim.

¶ Tenta ergo & tu o auditor habere proprium puteum & proprium fontem, ut & tu cum apprehenderis librum scripturarum, incipias etiam ex proprio sensu proferre aliquem intellectum, & secundum ea quae in ecclesia didicisti, tenta & tu bibere de fonte ingenij tui. Est intra te natura aquae uiuae, sunt venae perennes, & irrigua fluuenta rationabilis sensus, si modo non sint terra & ruderibus oppleta. Sed satis age fodere terram tuam & purgare sordes, id est, ingenij tui amouere desideria, & torporem cordis excutere. Audi enim quid scriptura dicit. Punge oculum & profert lachrimam, punge cor & profert sensum. Purga ergo & tu ingenium tuum, ut etiam aliquando de tuis fontibus bibas, & de tuis puteis haurias aquam uiuam. Si enim suscepisti in te uerbum dei, si accepisti a Iesu aquam uiuam, & fideliter accepisti, fiet in te fons aquae salientis in uitam aeternam.

Idem Home. xij. super Exodum.

¶ Non solum ad discendum sacras literas nobis est adhibendum studium, uerum & supplicandum domino, & diebus ac noctibus obsecrandum, ut ueniat agnus ex tribu iuda, & ipse accipiens librum signatum, dignetur aperire. Ipse est enim qui scripturas adaperiens, accendit corda discipulorum, ita ut dicant. Nonne cor nostrum ardens est.

Idem Home. iiij. super Exodum.

¶ Erratica & lubrica sunt Philosophorum dogmata, quae paruulos quosque sensu & pueros intelligentia deciperunt. Sed ubi crux Christi mundo huius, ueritatis lumen ostendit, necis eorum penas, & reatum sanguinis exigunt. Ita enim & ipse dominus dicit, quia omnis sanguis qui effusus est super terram, a sanguine Abel iusti, usque ad sanguinem Zachariae requiretur a generatione hac.